

國

朝

列

卿

紀

國朝列卿紀卷之一百四

提督南贛汀漳等處軍務序

贛古虔州舊有開撫之設自弘治甲寅汀漳寇起

之不逞者四出剽掠爲東南患 孝廟乃用鎮守江西太監鄧

原巡按御史張縉暨藩臬閩臣議設巡撫憲臣開院於贛以統

制之因推廣東左布政使金澤遷都察院右副都御史俾巡撫

江西兼督閩廣湖湘之地其所轄則江西之南安贛州建昌福

建之汀州廣東之潮州惠州南雄湖廣之郴州四省三司皆聽

節制賜之璽書許以便宜行事弘治乙卯以湖廣巡按御史曾

昂建議又增隸韶州於是疆圉寧謐人民安堵至弘治甲子歲

裁革以後四省接壤之盜復起嘯聚正德庚午大出攻圍武平縣所武廟又用福建鎮守太監張俊巡按御史賀太議復建置之至六年再命都御史周南巡撫除舊轄江西建昌府南城等四縣增轄福建漳州府縣并衛所餘如舊四省八府一州之地東極閩廣漳潮之海南距廣之廣州西距湖之衡州北距吉安之廬陵而幅員蓋數千里矣至正德十一年又因都御史王守仁具奏責任不專不能申明賞罰以勵人心致令盜賊滋多地方受禍特改提督軍務撫按軍民修理城池禁革奸弊一應軍馬錢糧事宜俱聽便宜區處又頒旗牌永爲定制遂屹然爲四省巨鎮矣嘉靖己丑都御史周用以吉安撫州二府屬縣萬

安龍泉泰和永豐永寧樂安接壤詞訟繁連異府人民難以勾
攝建議增轄以便統屬而區畫益詳密矣但地界四省山高嶺
峻樹木蒙密素有盜賊生發東追則西竄南捕則北奔相沿已
非一日況墨吏奸民足以起禍而速變者不知其難沮也巡徼
之役番戍之更傳驛符檄之往來歲租月直之浮羨苟非其人
炳幾灼情略細而務大提綱以振目將無增其驕桀求挺以起
者乎今詳各官宦履於後其行實見於事紀其勲德茂著者表
爲列傳

國朝列卿紀卷之一百四

提督南贛汀漳等處軍務左右副僉都年表

金澤

應天江寧人進士弘治八年以右副都任十二年陞南刑右侍郎詳南院右都

韓邦問

浙江會稽人進士弘治十二年以右副都任十六年致仕歷刑部左侍郎進尚書致仕

周南

浙江縉雲人進士正德六年以右副都任九年陞兩廣右都御史

蔣昇

廣西全州人進士正德九年以右副都任十年陞南戶右侍郎

陳恪

浙江歸安人進士正德十年以右副都任十一年陞大理寺卿

文森

湖廣衡山人進士正德十二年以僉都推以病辭兵部尚書王瓊劾托疾罷免

提督軍務

王守仁

浙江餘姚人進士正德十一年以僉都任十四年改撫江西詳南京兵部尚書

聶賢

四川長壽人進士正德十六年以副都任嘉靖四年改南院詳刑部尚書

潘希曾

浙江金華人進士嘉靖四年以右副都任六年陞工侍郎詳兵部左侍郎

汪鉉

直隸婺源人進士嘉靖六年以右副都任八年還院詳吏部尚書

周用

直隸吳江人進士嘉靖八年以右副都任十年還院詳吏部尚書

陶諧

浙江會稽人進士嘉靖十年以右副都任十一年改兩廣詳兵部左侍郎

錢宏

浙江錢塘人進士嘉靖十一年以右副都任十二年致仕

唐胄

廣東番山人進士嘉靖十二年以右副都任本年改山東詳戶部左侍郎

金澤

直隸常熟人進士嘉靖十二年以右僉都任十四年致仕

王浚

直隸人進士嘉靖十四年以右僉都任十七年還南院部

吳山

直隸人進士嘉靖十七年以右副都任十八年還南院部

鄭坤 河南光州人進士嘉靖十八年
由右通政推僉都察院未任

李顯 浙江樂清人進士嘉靖十八年以右
副都任二十一年改南京大理寺卿

虞守愚 浙江義烏人進士嘉靖二十一年
以左僉都任二十三年遷撫江西

顧遂 浙江餘姚人進士嘉靖二十三年以
右副都任二十五年遷南刑右侍郎

朱純 直隸長洲人進士嘉靖二十五年以右
副都任二十六年遷巡視閩浙地方

龔輝 浙江餘姚人嘉靖癸未進士二十六
年以右副都任二十七年遷總漕

喻智 直隸當塗人正德甲戌進士嘉靖二十
七年以右副都任二十九年被劾免

盧勳 浙江縉雲人嘉靖壬辰進士二十九年以右
僉都任三十年改南院詳南京刑部尚書

張烜 廣西慶遠人嘉靖己丑進士三十
年以右副都任三十二年聽勅

談愷 直隸無錫人嘉靖丙戌進士三十二年以右
副都任三十四年改兵部侍郎總督南廣

汪尚寧

直隸欽縣人嘉靖己丑進士三十四年以右副都任三十五年開任

王鈐

浙江奉化人嘉靖癸未進士三十五年以右副都任詳南京工部尚書

周滿

四川漢州人嘉靖壬辰進士三十四年以右副都任三十七年致仕

何思

直隸雄縣人嘉靖壬辰進士三十七年以右僉都任詳巡撫宣府

朱淳

浙江開化人嘉靖乙未進士三十七年以右副都任三十八年開任

范欽

浙江鄞縣人嘉靖壬辰進士三十八年以右副都任三十九年陞兵部右侍郎未任聽勘

楊伊志

直隸吳縣人嘉靖壬辰進士三十九年以右副都任四十年回籍

陸穩

浙江歸安人嘉靖甲辰進士四十年以右副都任四十二年陞南兵部右侍郎被劾未任

吳百朋

浙江義烏人嘉靖丁未進士四十二年以右僉都任功加右副都隆慶元年陞大理寺卿未任仍陞兵部

郎兼都察院右僉都御史

任見南京兵部侍郎

張

翀

廣西馬平人嘉靖癸丑進士隆慶二年以太常寺少卿陞右僉都任

殷從儉

廣西臨桂人嘉靖甲辰進士隆慶四年以右僉都御史任改撫福建

李棠

湖廣長沙人嘉靖戊戌進士隆慶五年以右副都御史任

劉思問

河南孟縣人嘉靖丙辰進士隆慶六年由大理左少卿陞右僉都任萬曆二年八月丁憂

蒙

詔

廣東番禺人嘉靖壬戌進士萬曆五年由浙江左布政右副都任八年聽調

王廷瞻

湖廣黃岡人嘉靖己未進士萬曆八年二月以右副都任九年三月改南京大理寺卿

張煥

山東益都人嘉靖乙丑進士萬曆九年由南鴻臚卿陞右僉都任十年丁憂

王 緝

山西汾州衛籍嘉靖己未進士萬曆十年由貴州巡撫陞右副都任十一年二月改南京大理寺卿

邵 陞

浙江餘姚人隆慶戊辰進士萬曆十一年由大理左少卿陞右僉都任尋丁憂

張 岳

浙江餘姚人嘉靖己未進士萬曆十一年六月由太僕寺少卿陞右僉都任十二年八月陞協院左僉都

賈待問

直隸威縣人隆慶戊辰進士萬曆十二年由南光祿寺卿陞右僉都任十四年改協院左僉都

秦 燿

直隸無錫人隆慶辛未進士萬曆十四年由光祿卿陞右僉都任十七年改撫湖廣

王敬民

河南西華籍句容人隆慶辛未進士萬曆十七年由大理左少卿陞右僉都任

南贛撫臣行實

金澤字德潤應天府江寧縣人成化丙戌進士歷廣東左布政使自弘治甲寅汀漳姦氓合爲盜其始甚微萑符狗鼠之盜耳郡縣有司無遠略不急捕其勢浸熾而嶺南湖湘之不逞者從而和之四出剽掠切富室燔民居掠帑藏殺官軍閭閻爲東南郡縣患有司始駭而圖之備其東則發於西剿其南則竄於北時鎮守江西太監鄧原暨巡按監察御史都布按三司議以爲盜之未平以政令不一而鄰境有司不肯協心故也宜設巡撫憲臣置司要地以節制之而割附近郡縣以隸之則盜易平也迺具奏其事 孝皇俞其請因陞澤爲都察院右副都御史俾

巡撫江西 勅書備云江西南安贛州建昌福建汀州廣東潮州惠州南雄韶州各府湖廣郴州地方交界去處盜賊生發事無統屬難於緝捕而江西撫州臨州瑞州等府盜賊成羣肆行劫掠毒害軍民近來尤甚 特命爾通行巡撫江西并各府州縣交界地方嚴督所屬操練軍兵修理城池撫安軍民捕滅盜賊祛除奸貪凡事干賊情軍馬錢糧等項與鎮守太監董讓協和計議而行各省兵備守備等官俱聽節制調度爾多在南贛二府駐劄往來巡視但有盜賊即便設法剿捕尤須選委廉能屬官密切體訪及僉所在大戶并被害之家有智力人丁設法追襲量加糧賞或募知因之人務拏真正賊犯不許妄拏頂數

及容賊挾讐攀引因而嚇取財物擾害良善每月奏報已未獲
數用憑稽考凡遇饑荒設法賑濟城池圯塞卽行築濬軍器或
有損壞量宜修備司衛府縣官員中廉能公勤政務頗舉者量
加獎勵其有隱蔽賊情退縮不捕及貪酷不才者除文職五品
以上及軍職具奏區處六品以下爾卽拏問輕則量情責罰重
則送發巡按御史及司府官究治事有便於軍民地方者悉聽
爾便宜處置具奏當與巡按三司計議者亦須公同計處務使
民安賊息地方無虞斯副簡任澤奉 勅撫定便宜從事先榜
令自首乃嚴督緝捕斬賊首滿天明等八百餘顆論功罪明賞
罰人多感奮思效徭徠洞蠻聞風向化四邊以寧又因四省交

錯緝捕官員責不專一每有警急事難責成先該鎮守江西太監鄧原奏行將雩都會昌信豐瑞金石城安遠龍南七縣各添設主簿一員專一捕盜惟廣東潮州府五縣惠州府七縣南雄府二縣福建汀州府八縣湖廣郴州五縣江西南安府二縣建昌府四縣贛州府三縣俱未添設捕盜機快無律盜賊縱橫無忌又奏行將前各府州縣不分全設裁減州添判官縣添主簿各一員並不別差專委操練機快緝捕盜賊遇有緊急調用責成又瑞金縣招召鄉湖坡山場去縣六十餘里僻在一隅俱係深山險峒林木陰翳先年強賊藏隱在彼打劫石城縣殺死人民弘治丙辰年澤具奏於湖坡山場設立巡檢司一所又檄下

撫屬設立關隘僉編附近居民之壯者防守要津禁遏姦細後各縣因地方險易不同道里遠近亦異而有所增損然莫非祖述前意也又增高贛州舊城一尺并信豐興國南康永豐舊城圯破俱檄修葺又創巡撫院并贛州府贛縣學校俱檄重建凡百政令皆行之可久而無弊者後陞南京刑部右侍郎改南兵歷南院右都御史詳南京都察院

韓邦問字大經浙江紹興府會稽縣人成化己丑進士任廣東左布政使歷都察院右副都御史弘治己未巡撫江西時峒民負險爲盜歲久蔓延莫能制乃奏立土官宣布威德一方遂寧時遣中官駐劄燒造供御磁器乃力言小民凋弊之狀可

國朝及明紀 卷之二十四
憫先王恭儉之節當師 上爲感動中止因忤當路抗章請老
復起撫河南至刑部尚書詳刑部

周南字文化浙江處州府縉雲縣人成化戊戌進士授六合知
縣擢御史歷江西右布政弘治十八年陞都察院右副都御史
撫大同忤逆瑾回籍正德辛未江閩廣三省交界山谷大帽山
等寨賊首張番壇李四仔鍾聰劉隆黃鏞等聚徒數千流劫鄉
村攻陷建寧寧化石城萬安諸縣支解平民捉擄官吏僭號稱
王福建鎮巡等官題乞征剿 勅南以原職來撫四省邊徼相
機剿捕前盜仍特給旗牌八面副下車三省聚兵積糧刻期於
正德壬申正月甲子江西兵從安遠入攻破寨穴七日丹竹樓

曰淡地曰雙橋曰黃竹湖曰頂山曰寒地曰甌背擒斬賊首何
積欽羅得清黃璘并其從若干人廣東兵從程鄉入攻破巢穴
九曰大帽山曰大峯障曰甌濱曰五子石曰十二羣曰香爐嶂
曰鷓鴣角曰軍山筆曰圓千岩擒斬賊首李四仔張番壇黃鏞
張玉璣黃樞保并其從若干人福建兵從武平入攻破巢穴八
曰巖前曰上赤曰中赤曰下赤曰懸繩峯曰掛坑障曰黃沙曰
大劉畚擒斬賊首謝得珠劉隆鍾章獲賊仗若干總計是役擒
斬酋從七千有奇俘獲賊屬一千八百有奇奪回良善一百四
十有奇賊仗一千一百有奇奏 上各頒賞有差九年甲戌擢
總督兩廣軍務詳兩廣總督

蔣昇字誠之廣西桂林府全州人成化丁未進士授南海知縣擢南道監察御史歷四川左布政使正德九年陞都察院右副都御史巡撫南贛等處初周南以征調頻繁給有旗牌至是不給昇因四境頗寧無所建立乙亥年贛城久雨圯內城一千三百餘丈并信豐縣學廢頽俱檄修完而行事簡易地方亦宜之十一年陞南戶右侍郎歷尙書詳南京戶部

陳恪字克謹浙江湖州府歸安縣人成化丁未進士授宿松知縣擢陝西道監察御史歷江西左布政使時逆濠肆虐鈐制方面恪雖不事矯激而內實有定見不可搖奪凡議夫價賀禮類多忤其意濠怒甚面叱數四且繫逮其吏恪處之裕如濠將中

以奇禍會丙子年陞右副都御史巡撫南贛以去涖虔僅旬月
察貪廉正功罪嚴詰捕開自新逋梗者自革擢大理寺卿而卒
世稱其守清白家無餘資云詳大理寺

文森字



湖廣衡山縣人成化丁未進士任御史正德七年

陞南京太僕寺少卿十一年陞巡撫南贛右僉都以病辭兵部
尚書王瓊劾其托病免

王守仁字伯安浙江紹興府餘姚縣人弘治己未進士授刑部
雲南司主事累官南京鴻臚寺卿以良知訓學者多所自得正
德丙子十月陞都察院左僉都御史撫鎮南贛汀漳等處先是
南贛撫鎮屢用非人山谷克民初爲偷竊攘奪以至聚徒爲盜

漸至擄劫鄉村焚掠州縣肆無忌憚遠近視效凡在虔楚閩廣山谷無非賊巢小大有司束手無策皆謂終不可理兵部尚書王瓊獨知之特薦而用之既至南贛先嚴戰禦之法時龍南賊二千餘突至信豐又糾合廣東龍川河源諸賊酋分隊以進勢甚猖獗守仁令兵備官調兵斷賊歸路及委官統領前後夾擊之又曰此賊既離巢穴利在速戰又令乘險設伏厚集以待各鄉村往來路徑多張疑兵使進無所獲退無所據可以坐擒一違節制當以軍法從事先時在官吏書門皂及在城軍民陰陽占卜皆與賊通日在官府左右訶覘不惟言出於口賊必先知凡意向顏色之間賊亦知之守仁知其然意欲在此則示之以

彼在彼則示之以此每令陰陽擇日占卜或擇卜已吉而不用或欲用而中止每勵兵蓐食令俟期而發兵竟不出賊各依險自固四路設伏乃潛令三省兵備官各率兵從徑道與賊交鋒前後大戰數合擒斬賊首俘獲無算餘黨奔聚象湖山拒守又密諭令佯言犒軍退師俟秋再舉密探虛實乘賊懈弛因新陞廣東布政使邵賁將之任例發兵送乘此會選精兵一千五百當先重兵四千二百繼後軍約已定令送邵布政刻期還日度夜半至欲征賊巢山下乃潛率數十騎亦至密使人招之來前令分作三路於夜半嚙枚直趨象湖山搗其巢穴我兵奪據隘口賊猶不知各賊雖已失險其間賊徒類皆驍悍猶能凌絕谷

超距如飛復據上層峻險四面飛打滾木礮石以死拒敵我兵奮勇鏖戰自辰至午三省所發奇兵復從間道鼓噪突登始驚潰大敗我兵乘勝追殺擒斬俘獲賊屬無算墜崖壑而死者不可勝計餘黨復入流恩山岡等巢與諸賊合勢明日復戰賊又不利遁入廣東界上黃蠟樟溪大山又賊酋詹師富等恃居可塘峒山寨聚糧守險勢甚強固乃命分兵五路攻擊追襲與賊連戰又令知府鍾湘攻破長富村等處巢穴三十餘處擒斬俘獲益多其脇從餘黨悉願攜帶家口出官投首聽撫安插守仁聽令委官招撫脇從諸賊安插復業四千餘人又令兵備僉事顧應祥等委官統領軍兵會同福建刻期追勦揚言班師出其

不意從牛皮石嶺脚隘等處分爲三哨鼓噪並進賊瞻顧不暇望風瓦解攻破古林柘林白土村赤石崖等巢直搗箭灌及攻破水竹大重坑苦宅溪清泉溪白羅南山等巢直搗洋竹峒三角湖等處前後大戰十餘合俘獲四千人有奇馬牛貨物無算嘗上疏申明賞罰以勵人心因請 勅便宜行事乃請令旗令牌不報及是大庾南康上猶三縣輦賊各發擄掠居民及廣東潮頭等處強賊池大鬚等三千餘徒突來攻圍南康縣殺損官兵與湖廣桂陽及廣西樂昌等巢穴相聯盤據流劫三省於時兵備等官請調三省狼達等兵與官兵夾剿守仁又上疏論狼兵所過不減於盜轉輸之苦重困於民仍請便宜行事期於成

功不限以時則兵衆旣練號令旣明人知激勸事無掣肘可以伸縮自由相機而動日剪月削可使斯盡灰滅復疏請添設清平縣治及疏通鹽法以足兵食會湖廣巡撫都御史秦金奏請夾剿疏下復上疏議處兵糧事宜是歲六月召知府季敦縣丞舒富等密授方略領兵分剿生擒賊酋陳曰能等搗其巢穴俘獲賊黨無算又上疏論三省交剿方畧先是屢請勅便宜行事衆皆笑爲迂故屢不報惟尚書王瓊慨然曰朝廷此等權柄不與此等人用又與誰用我必與之故因守仁疏復議奉

旨改提督南贛汀漳等處軍務換賜勅書及前所請旗牌便宜行事俱得報可廷議以其前攻破長富村象湖山可塘峒諸

處擒首從賊級數多仍降 勅獎勵陞俸一級賞銀二十兩紵
絲二表裏時汀州左溪賊酋藍天鳳與贛南上新穩下等峒賊
酋雷鳴聰高文輝等相結盤據千里荼毒三省乃與諸從事議
曰諸巢爲患雖同事勢各異以湖廣言之則桶岡諸巢爲賊之
咽喉而橫水左溪諸巢爲之腹心以江西言之則橫水左溪諸
巢爲賊之腹心而桶岡諸巢爲之羽翼今不先去橫水左溪腹
心之患而欲與湖廣夾攻桶岡進兵兩寇之間腹背受敵勢必
不利今我出其不意進兵速擊可以得志已破橫水左溪移兵
而歸桶岡勢如破竹矣議既決乃命各官等帥兵由各道以入
指揮郊文帥兵千餘自大庾縣義安入知府唐淳帥兵千餘自

大庾縣聶都人知府季敦帥兵千餘自大庾縣穩下入縣承舒
富帥兵千餘自上猶縣金坑入守仁自率兵千餘自南康進屯
至坪期直搗橫水以與諸軍會又使兵備副使楊璋分守叅議
黃宏監督各營官兵往來給餉以促其後是月初七日各哨齊
發初十日進兵至坪會間諜訶知各險隘皆設有滾木礮石守
仁度此時賊已據險勢未可進自率兵乘夜遂進未至賊巢三
十里止舍使人伐木立柵開塹設堠示以久屯之形復遣官分
帥鄉兵及樵豎善登山者四百人各與一旗齎銃砲鈎鎌使由
間道攀崖懸壁而上分列遠近極高山頂以覘賊張立旗幟焚
茅爲數千竈度我兵且至險則舉砲燃火相應十二日黎民兵

進至十八面隘賊方據險迎敵驟聞遠近山頂砲聲如雷煙焰
四起我兵復呼哨分逼銃箭齊發賊皆驚潰失措以爲官兵盡
破其巢穴遂棄險退走又預遣千戶陳偉高霽分帥壯士數千
緣崖上奪賊險盡發其滾木礮石我兵乘勝驟進指揮謝昶馬
廷瑞兵由間道先入悉火賊巢賊退無所據乃大敗奔潰橫水
旣破遂乘勝進攻左溪擒斬首級無算俘獲男婦牛馬什物不
可勝計會雨霧連日令休兵犒勞是月二十七日官兵乘勝進
攻桶岡復議桶岡天險四面青壁萬仞中盤百餘里連峯參天
深林絕谷不覩日月因詢訪鄉導賊所由入惟鎖匙龍葫蘿峒
茶坑十八磊新地五處皆假棧梯壑竄懸絕壁而上惟上章一

路稍平然深入湖廣迂回取道半月始至乃令移屯近地休兵
養銳振揚威聲先使人諭以禍福彼必懼請服其或不從者
乘其猶豫襲而擊之乃可以逞使人招撫并縱所獲桶岡賊鍾
景綰入賊營期以翼日早使人於鎖匙龍受降賊方甚恐集衆
會議乃遣縣丞舒富帥數百人屯鎖匙龍促使出降而使知府
邢珣入茶坑伍文定入西山界唐淳入十八磊知縣張戢入葫
蘿峒皆於是月晦日乘夜各至分地遇大雨不得進明日早冒
雨疾登賊首藍天鳳方卽鎖匙龍聚議聞各兵已入險皆驚愕
散亂猶驅其衆男婦千餘人據內隘絕險隔水爲陣以拒我兵
渡水前擊復分部左右夾攻賊不能支且戰且却及午雨霽各

兵鼓奮而前賊乃敗走補岡諸巢遂皆悉平守仁以暇親行相視形勢據險之隘議以其地請建縣治控制三省諸徭斷其往來之路又進兵攻穩下諸坑等巢又皆悉平又以湖廣二省之兵方合雖近境之賊悉以掃蕩而四遠奔突之虞難保必無乃畱兵二千餘分屯茶寮諸隘餘兵回頓近縣休息疲勞候二省夾攻盡絕然後班師守仁驅卒不過萬餘用費不滿三萬兩月之間俘斬六千有奇破巢八十有四渠魁賊首噍類無遺又疏請三縣適中之處立安義縣移置小溪驛於大庾縣城內使督兵防遏洲頭賊酋池大鬚等聞橫水諸巢皆破始懼加兵乃遣其弟池仲安等率老弱二百餘徒亦赴軍門投降求隨衆立功

意在緩兵因而窺覷虛實乘間內應守仁逆知其謀乃陽許之
及進攻桶岡使領其衆截路於上新地以遠其歸途十一月池
大鬚等聞復破桶岡益懼爲戰守備守仁使人至賊所賜各酋
長牛酒以察其變賊度不可隱詐稱龍川新民盧珂等將掩襲
之是以密爲之防非虞官兵也守仁亦陽信其言因復陽怒盧
珂等擅兵讐殺移檄龍川使廉其實且趣伐木開道將回兵湖
頭取道往征之賊聞之且喜且懼有盧琦鄭志高陳英者皆龍
川舊招新民有衆三千餘皆爲池大鬚所脇而三人者獨深忌
之乃來告變云池大鬚僭號設官及以僞授盧珂等金龍霸王
官爵印信來首守仁先以諜知其事乃復陽怒不信遂械送

珂而使人密諭以陽怒之意珂遂遣人歸集其衆待時而發又使人往諭池大鬚且密購其所親信頭目二十人陰說之同部下百八十人使自來投訴守仁還贛乃張樂大享將士下令城中散兵使各歸農示不復用賊衆皆喜遂弛其備池大鬚乃謂其衆曰若要伸先用屈贛州伎倆亦須親往勸破遂率其麾下四十人自詣贛守仁探知池大鬚已就道乃密遣人先行屬縣勒兵分哨道候報而發又使人督集盧珂等兵俱至而令所屬官僚以次設羊酒日犒池大鬚等以緩其歸會正旦拜節又明日復設犒於庭先伏甲士引池大鬚入并其黨悉禁之出盧珂等所告狀詢鞫皆伏遂置於獄皆斬之夜使人趨發屬縣兵期

於初七日同時入巢諸哨兵皆從各徑道以入守仁自率帳下官兵從龍南縣冷水徑直搗下泅大巢與各哨會於三泅先是賊徒得池大鬚報謂贛州兵已罷歸皆以弛備散處各巢至是驟聞官兵四路並進皆驚懼分投出禦悉其精銳千餘據險設伏併勢迎敵於龍子嶺我兵聚爲三衝犄角而前大戰良久賊敗復奮擊數十合遂克上中下三泅各哨官兵遙聞三泅大巢已破皆奮勇齊進各賊皆潰敗遂進攻九連山於是選精銳七百餘人皆衣所得賊衣佯若奔潰者乘暮直衝賊所據崖下澗道而過賊以爲各巢敗散之黨皆從崖下招呼我兵亦佯與呼應賊疑不敢擊已度險遂扼斷其後路次日賊始知爲我兵并

勢衝敵我兵已據險從上下擊賊不能支守仁度其必潰預令各哨官兵四路設伏以待賊果分隊前遞皆邀擊而悉俘之前後擒斬首級無算俘獲男婦牛馬器仗什物不可勝計餘黨張伸全等二百餘人多係老弱及遠近村寨一時爲賊所驅從惡未久之人勢窮計迫聚於九埤谷口呼號痛哭誠心投招乃遣官驗實皆量加責治遣知府邢珣往撫其衆籍其名數悉安插於白沙遂親相視險易經理立縣設隘可以久安長治之策畱兵防守而歸贛人皆首戴香爐遮道而迎爲立生祠又家肖像而歲時祭禱守仁始上疏乞休不允又以龍川諸處係山林險阻之所盜賊屯聚之鄉當四縣交界之隙乃三省閭餘之地政

教不及人迹罕到其間接連閩廣反覆賊巢動以百數據而守之眞足控諸賊之往來杜奸宄之潛匿遂疏請於和平地方建設和平縣治以扼其要害又以大賊酋龔福全高仲仁李斌吳玠等邀路刼殺軍民攻掠郡縣命三省將官征剿克平乃上三省夾剿捷音疏 朝廷陞右副都御史廕子一人錦衣衛世襲百戶 賜勅獎勵隨因奏報平定廣東韶州府樂昌縣等賊捷音查例加陞本衛世襲副千戶守仁在贛雖軍旅擾攘四方從游日衆而講學不廢褒崇象山陸子之後以扶正學贛人初與賊通性多鄙野乃爲立保甲十家牌法於是作業出入皆有紀而又行鄉約教勸禮讓又親書教誡四章使之家諭戶曉而贛

俗丕變贛人多爲良善而學問君子亦多矣後歷南京兵部尚書封新建伯總督兩廣軍務餘詳南京兵部

虔臺志云正德乙亥漳州府南靖縣詹師富等據險負固於閩廣交界之區聚眾結黨流劫鄉村荼毒生靈東征西竄我去彼來丙子巡按福建御史胡文靖奏行福建廣東夾攻未有成績巡撫王都御史守仁適來命來撫丁丑正月到南昌聞三省師期不同事體參錯卽檄二省守巡官協同密切剿捕比到贛州卽日起程親率江西諸軍進屯長汀上杭等處一面督令各官密照方略火速進剿敢支吾推調者以軍法論罪已而福建兵備僉事胡璉都指揮李胤等報稱領哨知府鍾湘指揮徐麟

張鉞韋鑑劉欽高偉王鎧李城通判龔震推官胡寧道知縣施
祥彭綱千戶唐昭張憲知事曾瑤縣丞陳秉主簿黎秀典史熊
才於三月丙申攻破長富村等巢三千餘處擄斬首從賊詹師
富等一千四百二十餘徒俘獲賊屬五百七十餘口牛馬賊仗
無算廣東兵備僉事顧應祥都指揮楊懋等報稱領哨指揮楊
昂王春張夫杰通判徐璣陳策知縣張戩等於三月乙未等日
攻破水竹大重坑等巢十三處共擒斬過首從賊溫火燒等一
千四十八名俘獲賊屬八百三十八口奪獲牛畜賊仗無算戰
死指揮覃桓縣丞紀鏞四月班師奏捷下勅褒賞其二省有
功并戰死官員人等陞賞有差

又云正德以來南安府大庾南康上猶三縣與湖廣廣東連壤山谷各有賊巢連絡盤據有衆數千每出劫居民攻掠郡縣正德丁丑本院王都御史守仁奉命提督軍務夏方征漳寇班師十月卽擬討南安屬縣兵糧旣集謀議已定巳酉都指揮許清自南康新溪入知府邢珣自上猶石杭入知縣王天與自白面入令皆會橫水守備指揮郊文自大庾義安入知府唐淳自聶都入知府李敷自穩下入縣丞舒富自上猶金坑入令皆會左溪知府伍文定知縣張戩候兵齊集令從上猶南康分入以遏奔衝公親率一軍自南康進屯至坪期直搗橫水以會諸軍兵備副使楊璋分守叅議黃宏則監督各營并往來給餉公甲

寅進兵攻十八面險先奪其險遂破長龍巢十八面隘巢先鵠
頭巢狗脚嶺巢菴背巢白籃橫木大巢邢珣破磨刀坑巢茶坑
巢茶潭巢王天與破樟木坑巢玉石巢許清破雞湖巢新溪巢
楊梅巢俱至橫水唐淳破羊羶腦巢上關巢下關巢左溪大巢
郊文破獅子寨巢義安巢苦竹坑巢拈揮余恩破長流坑巢牛
角篇巢鑿坑巢舒富破箬坑巢赤坑巢竹壩巢季敦破上西峯
狐狸坑巢鉛廠巢俱會左溪丁巳復分各營兵爲奇正二哨以
擊未下諸巢戊午邢珣破旱坑巢寫井巢季敦郊文破僊下巢
李家坑巢己未唐淳破絲茅壩巢庚申許清破朱雀坑巢村頭
坑巢黃竹坳巢觀音山巢辛酉余恩破梅伏坑巢石頭坑巢壬

戌邢珣又破白封龍巢芒背巢王天與破黃泥坑巢大富灣巢
甲子舒富破白水洞巢是日伍文定張戢兵亦至伍文定破巢
下巢張戢破杞州巢甲寅張戢又破朱坑巢伍文定又破楊家
山巢乙卯季敷又破李坑巢許清又破川枊巢丙辰郝文又破
長河湖巢丁巳公復遣諸兵攻桶岡等巢各從間道入十一月
癸酉邢珣破桶岡大巢并梅仗烏池二巢張戢破西山界巢并
鎖匙龍黃竹坑二巢唐淳破十八磊巢伍文定破鐵木里巢并
上池葫蘆洞二巢王天與破員分巢并背小坑巢舒富破大王
嶺巢丁丑邢珣又破上新地巢中新地巢下新地巢巳卯唐淳
又破杉木坳巢并原陂巢木里二巢癸未張戢破拔嶺巢天台

菴巢乙酉又破東挑坑巢龍背巢於是桶岡之賊略盡公方相
地營縣以統制三省諸徭用圖久安而湖兵所攻餘黨復有千
餘突來駐雞湖新地等處公又分命諸軍悉殲之十二月庚戌
班師是役也兩月之間破巢八十四處擒斬首賊藍天鳳謝志
山等八十六名顛賊從三千一百六十八名顛俘獲賊屬二千
三百三十六名口奪回被虜男婦八十三名口馬驢六百八頭
匹器械二千一百三十件金銀一百一十二兩其自相蹂踐及
墜崖潛遁凍餓死者不可勝計捷聞 上賞錫有差并將領之
人各照功陞賞

又云龍南龍川接壤之所有水曰洲其旁皆崇山絕壑愚民不

逞者盤據其間爲地方患正德以來有酋曰池仲容俗呼爲大
鬻兒惡甚其次者四十餘人皆有徒數百每歲肆劫而龍川翁
源始與龍南信豐安遠會昌以邇巢受毒最夥正德丁丑王都
御史守仁至首征漳寇詹師富等威名大著龍南久惡黃金巢
賴振祿等各驚懼投招仲容聞之亦遣弟仲安俗名快賽赴招
十月初聞公有桶岡之役仲容遣弟仲安帶五百人助師功成
回至上猶縣適有龍川舊惡招下義民盧珂具狀赴告仲容宿
惡公將珂伴械贛獄仲安見之大喜公乃給之曰汝隨征有功
彼乃欲跖害如此汝等急持我紙牌前去喚汝兄仲容同狀上
有名人等急來爲汝辯解仲容信之就率衆四十餘人前來蓋

俱被告賊首也閏十二月二十一日到贛公一面密檄諸省以期會兵一面諭贛城賊已平定大張鼓戲以爲樂乃使人伴仲容等觀翫以遲其歸至次年正月初三日乃呼仲容等入院領犒賞内外金鼓之聲喧天逐名領分而出轉街則逐序灰其眼而鑽之寘之獄則俱死矣公初七日率兵詣淵而諸哨已集遂搗之三月班師推功下 詔褒賞官公之子世襲錦衣衛百戶其將領官員各陞賞有差

又云正德己卯五月二十九日都御史王公守仁接 勅差往福建勘福州三衛軍人進貴叛逆事六月初九日自贛起馬十五日豐城地方黃土腦見兩岸人走稱宸濠昨已反叛殺官

時南風初轉北守仁卽焚香告天回贛起兵勤王搬過小舟時
北風大作十九日夜至吉安乃與知府伍文定集御史謝源伍
希儒鄉宦王懋中等議檄各府起兵期七月十五日丙午會於
樟樹於是伍文定等率通判談儲推官王瞻臨江知府戴德孺
袁州知府徐璉贛州知府邢珣瑞州通判胡堯元童琦南安推
官徐文英贛州都指揮余恩知縣泰和李楫萬安王冕新淦李
美寧都王天與皆來應已酉過豐城次市汭庚戌午次河船所
執得僞指揮數人訶知城中虛實是夜遂分其次早寅時諸軍
破城撫州知府陳槐進賢縣劉源清各領兵至辰時公帥師
至黃牛洲右布政胡璉右叅政許欽廉提學副使高錦僉事賴

鳳都指揮王玘各來迎公怒其尚具冠帶不容見已時入城駐
劄都司前三司官俱褻服及宗室陸續來見先軍入時伍文定
統兵自廣潤門進卽入府焚其殿後宮死千雉經者九十七人
諸軍頗監殺縱火劫掠而奉新高安二縣新民於德勝章江二
門尤甚公斬首數十人令諸宗室軍民各閉門自輯乃定先宸
濠於七月初二日出城時帶長世子自隨其次三子皆托之心
腹書堂官熊來六匿保於進賢大市橋民家公獲得門官萬銳
知之遂擒出乃查平昔惡黨數百人皆棄市惟熊來六郭火信
二人其尤者皆支解賊兵攻安慶爲指揮崔文所敗回舟乙卯
至黃家渡離城三十里伍文定迎敵於孫家洲時賊兵皆烏合

者雖多亦散而心腹馬腦寨華林寨新民凌十一吳十三閔念
四閔念七等皆雄惡來戰文定躬親銃砲火焚其鬚遂少挫余
恩率安遠葉芳兵前進策應方免退駐八字腦丙子賊兵竄遁
幾盡丁巳巳刻我兵欲安攻以小舟順風縱火壓賊舟宸濠先
遣婁妃與世子諸宮嬪俱投溺方欲自投爲承奉劉吉抱救而
知縣王冕與萬安灘頭巡檢遂擒過小舟賊領閔念七爲亂兵
所殺而諸哨遂擒僞太師國師叅謀元帥太監等官都御史李
士寶舉人劉養正王春謝春叅政王綸僉事潘鵬承奉劉吉屠
欽門官陳賢柴 熊壽典膳小喻內官駱惠儀賓熊瓊引禮盧
珩顧璜丁贍樂人秦榮都指揮王麒葛江指揮劉勳何鏗王信

等若干人與脇從左布政梁宸叅政劉斐按察使楊璋副使賀
統僉事師夔王疇都指揮馬驥白昂等以次來見後脫走新民
關念四於湖廣凌十一於河南俱就獲惟十一終逃天刑是日
置宸濠於清軍察院士實等俱下按察司獄士實數日自鵠於
獄惟腹心典寶黃壽山棄市時 武廟聞變欲親幸江西後公
於九月十九日押解宸濠并諸逆黨至杭州而張太監永先已
到杭乃復押回後太監張忠同劉翬許泰帶邊軍到省方將宸
濠并黨起解惟陳賢中途脫囚車而逃後濠與諸極惡至通州
俱 賜死其餘定罪有差推功封公新建伯
聶賢字承之四川順慶府長壽縣人弘治庚戌進士授麻城知

縣擢山西監察御史歷河南左布政使正德十六年陞都察院
右副都御史提督南贛等處軍務時廣東潮州府饒平縣灤州
清遠二都東連福建平和縣北接上杭永定二縣西距程鄉縣
南抵海陽饒平二縣地方曠野谿峒險隘治教鮮及是以盜起
必蟠結於二都而延及隣郡累經行剿未幾漏網者復聚而據
之嘉靖癸未賢采郡議以灤州一十一畝清遠九畝共二十里
酌其中處地名大埔臨近通流堪以控制請立大埔縣隸潮州
府又潮陽縣惠來等都惠州府海豐城龍溪都等地方東南貼
臨鉅海西北盤礴萬山各去縣治甚遠勾攝催科恃遠不服積
久盜賊竊發號爲難治甲申賢會同兩廣鎮巡等官議請割

二地設一縣於土名洋尾以控制導化之縣名惠來里凡二十
五曰惠來七里曰西頭三里曰大坵六里曰降井四里曰龍溪
五里隸潮州府又欲議買田數百頃歲蓄穀爲戎需年饑賑諸
民值義民曾思通者告言向備銀三百兩買指揮馮翔兄弟城
鹵魚塘二口蔴地二段頃緣力乏願市直賢檄二憲於軍儲中
支銀償厥直而業諸官乃編氓歲領銀買魚蓄塘洎種蔴守有
兵巡有職府歲收魚蔴易銀量除原主納稅外貯庫以實軍儲
嘉靖四年改南院累官太子少保刑部尙書詳刑部

潘希曾字仲魯浙江金華府金華縣人弘治壬戌進士改庶吉
士擢兵科給事中爲民正德五年起刑科右給事中歷南京太

僕寺卿轉太常寺卿提督四夷館嘉靖四年陞都察院右副都御史提督南嶺江漳等處軍務 賜璽書斧鉞以行至則明號令修軍械時簡教令謀勇信賞罰以爲備先是壬癸之亂招撫親民衆多各巢連和漸以猖獗爲我民害希曾鑒昔日之弊務馭以誠信其有自相告訐者則聽之以離其黨先年有功未賞者有司或吝於出納乃謂有功不賞何以示勸悉令賞之於是惠州黠寇賴貴衆肆虐乃發兵進剿空其巢穴奏凱 上嘉悅賜金幣爲勞慰焉洲頭餘賊曾蛇仔七巢蝟聚流劫江廣荼毒生靈乃發諸路兵夾剿賊大懼襲通判董鳴鳳以要我撫曾曰此賊故智欲緩我師耳昔人墮其計中吾何復蹈覆轍乎乃

下令曰通判自償事不足恤然有能掖之出者悉宥之益督進
兵戰數合賊大敗生擒渠魁餘黨奔竄通判卒獲全乃令以功
贖罪犁庭俘馘罔俘遺育乃籍其田業貧民審其脇從者分配
內地全活甚衆於上功獻捷曾弗張皇謂子效勞期於成事而
已希賞非我志也故紀述勞勩多歸之人至俘獲稍涉疑似者
卽不以報奏上已 召入爲工部侍郎矣迨論功竟弗及焉人
謂其善處有功尤人所難雖賞不稱功公論固在也後歷兵部
左侍郎卒贈兵部尙書詳兵部

虔臺志云嘉靖丁亥正月三原撫洎新民曾惟德王尙琦等糾
集龍南縣民譚崇尚李正璉反於龍南縣太平新興保等處龍

南等縣報亟潘都御史希曾命江西贛州府通判董鳴鳳指揮
劉鏜由龍南進廣東惠州府推官李喬木指揮周楫由和平進
南雄府推官趙珩領始興等縣官兵策應以討之二月壬戌江
西兵與賊戰於太平保失利公復命同知伍佐指揮姚璽復統
贛兵繼之又檄都指揮吳山督江西兵陳鑒督廣東兵協力盡
剿三月壬辰戰於龍南太平保擒斬賊首曾惟德等三名顆賊
從五十餘徒甲申戰於中洲擒斬賊首鬼吹等一百七十名顆
乙酉追至曲潭擒斬賊首八名顆丙戌廣東兵追賊至九連山
前奪回被虜官員董鳴鳳擒斬賊徒三十二名顆各潰竄二兵
搜山緝捕日逐擒斬不等是役江廣共擒斬逆賊酋從屬男婦

共一百五十九名口牛馬共三百五十九頭正賊仗無算奪回被虜男婦六十一名口捷報給賞有功人員金幣有差

汪鉉字宣之直隸徽州府婺源縣人弘治壬戌進士授南京戶部主事歷官浙江左布政使嘉靖六年冬陞都察院右副都御史提督南贛汀漳等處軍務性機警有小才善驪要人納欵澤以竊能名故民受其欺會七年正月長大縣塔山石前等地方有甘露垂綴竹松桐梅等樹及二月抵任遂具奏稱爲仁孝感撫并賢俊登庸之徵是時永嘉張孚敬等司柄故云賢俊貢諛八年召還院九年陞右都御史掌院事加太子太保兵部尚書兼右都御史不妨院事提督團營十一年陞吏部尚書諂媚重

人備極妾婦之態凡吏部除拜陞遷必先請內閣張孚敬等指授以爲奧授又私通賄賂賣官鬻爵京師有尙書十萬之謠卒贈少保謚榮和諱吏部

周用字行之直隸蘇州府吳江縣人弘治壬戌進士授行人擢南京兵科給事中歷河南右布政使嘉靖八年陞都察院右副都御史提督南贛汀漳等處軍務移檄所屬曰當知不得已而用兵尤當知不得已而爲盜惟藩臬諸司之綱之紀抑郡邑長吏有守有爲源潔則流自清民安而盜自弭矣其言惻怛由衷罔不竦服有巨盜數輩阻山橫行捕久不能獲廉其黨有悔悟者召至諭以利害結以信義因以賞誘之遂奉成算俘斬來獻

蓋不血寸兵不蜚東芻而賊亂蠲除民得安畔人以爲莫大之
功初橋廠權稅太重商至者稀用稍減其額商復趨之至今利
焉贛豪室多隱其田額以其虛稅竄之貧者命履畝計丈數之
盡革其私賦役以均疏亡盡復召選理院事累官太子少保吏
部尙書詳吏部

陶諧字世和浙江紹興府會稽人弘治戊辰進士改庶吉士授
工科給事中累官河南左布政使嘉靖十年陞都察院右副都
御史提督南贛汀漳等處軍務兼理巡撫至則條陳數事請行
曰重守令
專分守寬農民懲貪吏行之及期厥有成績乃遷
少司馬仍兼中丞往督兩廣歷兵部左侍郎詳兵部

錢宏字可容太醫院籍浙江杭州府錢塘縣人弘治甲子領順天鄉薦登正德戊辰進士己巳丁外艱辛未服闋授刑部湖廣司主事乙亥擢廣東司員外郎用法以明愼稱司寇藁城張子麟簡入本科疑獄多所叅決峻社請托權貴忌焉丁丑擢山東按察司僉事值武廟南巡特巡撫濰江王公屬處分事宜緩急有濟屬吏有以斂財饋上官敗者按治其事因欲中傷宏卒以自潔得白於是巡撫益重之巨盜王堂趙志寇掠地方督剿以寧民有投詞撫按者曰願付錢青天蓋民素以此稱之也辛巳擢副使革鎮守無名夫役刑其屬民者民賴以安居在山東最久歷署兵備清戎屯田驛傳諸政舉有成績至拯章丘水災

全活幾萬人民德之立生祠祀之嘉靖丁亥擢廣西按察使獄
訟稱平戊子入覲屬夷酋長率衆迎送於道前此所未有也已
丑擢福建右布政使辛卯轉湖廣左布政使吏畏弊除事無留
滯壬辰擢都察院右副都御史奉勅提督南贛軍務宏躬親
閱武刻武藝圖節儉文諭民并給示巢寇俾知尚義立趙清獻
文信國二祠風示忠節無何以勞悴致疾癸巳年致仕居鄉三
歲以疾卒壽六十一居家孝友篤親睦宗歲所入租必分給貧
乏者庶弟寶幼孤撫育誨成而爲婚配平昔富學問長於詩文
所著有江樓遺稿

唐胄字平侯廣東瓊州府瓊山縣人弘治壬戌進士授戶部

西司主事歷廣西左布政使嘉靖十二年陞都察院右副都御史提督南贛汀漳等處軍務本年改撫山東歷戶部左侍郎詳戶部

陳察字

直隸常州府常熟縣人弘治壬戌進士授南昌府

推官正德元年擢南京山東道御史四年改湖廣道御史十年陞太僕寺少卿因病乞休薦賢自代謫潮陽縣教諭十年陞廣信府推官嘉靖元年陞浙江僉事二年陞浙江副使三年陞山西按察使四年陞山東右布政使十年陞浙江左布政使十一年陞南京光祿寺卿十二年陞都察院右僉都御史提督南贛汀漳等處軍務十四年致仕

王浚字

浙江嚴州府建德縣人正德戊辰進士嘉靖十年

由河南左布政使陞順天府尹十四年以右副都御史任十七年遷南刑右侍郎改刑部右侍郎詳刑部

吳山字

直隸蘇州府吳江縣人正德戊辰進士嘉靖十年

任巡撫河南右副都御史十三年降浙江右叅議

十五年陞順天府尹十六年陞巡撫四川左僉都御史十

七年以右副都御史任十八年遷刑部右侍郎歷尙書詳刑部

李顯字

浙江温州府樂清縣人正德戊辰進士授閩縣知

縣行取擢雲南道監察御史十二年丁憂十六年復除山東道嘉靖二年陞淮安知府未任丁憂五年復除贛州府六年調蘇

州府八年陞湖廣副使十二年陞山東左叅政十三年陞河南按察使十五年陞雲南右布政使十六年陞貴州左布政使十八年陞都察院右副都御史提督南贛汀漳等處軍務二十一年陞南京大理寺卿未任以違限免

虞守愚字惟明浙江金華府義烏縣人嘉靖癸未進士二十一年以左僉都御史任二十三年陞右副都御史巡撫江西二十五年陞大理寺卿未任歷南京刑部右侍郎詳南刑部

顧遂字 浙江紹興府餘姚縣人正德甲戌進士嘉靖二十二年推巡撫遼東赴任違限降山東叅政二十三年以右副都御史任二十五年遷南刑右侍郎詳南京刑部

朱統字子紀直隸蘇州府長洲縣人正德辛巳進士嘉靖二十五年以右副都御史任二十六年遷巡視閩浙地方詳閩浙巡撫

龔輝字實卿浙江紹興府餘姚縣人嘉靖癸未進士二十六年以右副都御史任二十七年遷督漕運歷工部左侍郎

喻智字

直隸太平府當塗縣人正德甲戌進士

嘉靖十一年陞東昌府知府二十一年陞山東副

使二十

年陞

叅政二十

年陞湖廣按察使二十

陞

右布政使二十五年陞江西左布政使二十七年陞都

察院右副都御史提督南贛汀漳等處軍務二十九年被劾閑

往

盧勳字汝立浙江處州府縉雲縣人嘉靖壬辰進士授太常寺
博士陞禮科給事中復除兵科陞吏科右給事轉禮科左二十
年陞吏科都給事中二十四年陞南京太常寺少卿二十五
年改太常寺少卿提督四夷館二十七年陞騰黃右通政本年
陞太僕寺卿二十九年陞提督南贛軍務右僉都三十年改操
江三十一年陞南大理寺卿本年改大理寺卿